

10 A'ORA'A



nō te 'aro i te hāmani-'ino-ra'a

Te hāmani-'ino-hia ānei 'oe



MCfroc
Te feiā e 'ore e au ra ia Teva.



Brada89
Fa'ao'o'o noa ia Teva.
A tahi e upo'o tupu ia... WTF



Flag
Teva = UMARA LOL



TPito
Teva tútu'a...
A TAE



1 'A ani i te tauturu

'Eiaha e ha'amā, 'eiaha e ri'ari'a ia rātou !

'A haere 'a fārerei i te tahi ta'ata pa'ari nō te fare ha'api'ira'a, i tō 'oe ato'a mau metua, i tō 'oe tua'ana, aore ra i tō 'oe tuahine. 'Eiaha e vaiiho noa i teie 'ohipa ia rahi roa.

2 'A pāruru ia 'oe

Nō te arai i te huru fifi ato'a i ni'a i te natureva,

'Eiaha roa e fa'a'ite i tō 'oe iho mo'emo'e e 'a feruri maita'i hou 'a pia ai i te hoho'a. 'Eiaha roa atu e hōro'a i tā 'oe mau ta'o huna. Nā 'oe noa terā mau ta'o, e 'ere i te mea 'ōpere.

3 'A fa'aara ia 'ite 'oe i te tahi mau peu 'i'ino

I ni'a ia Facebook, e ti'a ia 'oe i te fa'aara ia 'ite 'oe i te tahi peu 'i'ino, e ti'a ato'a ia 'oe i te « tāpe'a e te fa'a'ore atu » i te mau hoa ha'avare.

E ti'a ato'a te mau 'api a teie mau ta'ata hāmani 'ino i te tāpe'ahia e te fa'a'ore-roa-hia. 'A haere 'a hi'o i te 'api tauturu : www.facebook.com/safety/

4 'A fa'a'ite

Mai te mea te hāmani-'ino-hia ra 'oe i te fare ha'api'ira'a, 'a niuniu i te 40 46 29 29, 'a pāpa'i i te poro'i MP ia m.me/stopharcelementpf.

5 'A horo i te ta'ata hāmani 'ino

No te mau hāmani-'ino-ra'a fifi mau, e ti'a i te horo i te ta'ata hāmani 'ino. Nā tō 'oe mau metua te reira e fa'aoti, o rāua tō 'oe nā ti'a ha'apa'o.

Te 'ite nei 'oe i te 'ohipa hāmani 'inora'a

6 Tauturu

Pinepine te mau pīahi e hāmani-'ino-hia ra i te tu'uhia i te hiti. 'Eiaha e vaiiho noa iāna i te hiti, 'a haere atu 'a fārerei ia na.

7 'Eiaha e 'ata fa'ao'ō'o

Mai te mea e rahi mai te ta'ata « e 'ore e fa'aea māmū noa », hau atu ra, ia 'ataore te ta'ata i terā ta'ata hāmani 'ino tamari'i, e fa'aea 'ōna i tāna mau peu hāmani 'ino. Mea faufa'a roa te feiā 'ite, nō te fa'afa'aea roa i te mau 'ohipa hāmani-'ino-ra'a tamari'i i te fare ha'api'ira'a.



8 Ia parau tō 'oe vaha

'A haere 'a fārerei i te pīahi ti'a ha'apa'o o tā 'oe piha ha'api'ira'a aore ra i te hō'ē ta'ata pa'ari nō te fare ha'api'ira'a iho mai te mea te 'ite ra 'oe i te tahi hāmani-'ino-ra'a tamari'i. Mai te mea te vai ra te āraivavao, e oti ia rātou i te tātara i taua mau fifi.

9 'Eiaha e fa'aō atu ia 'oe

Mai te mea e ha'aponohia mai te tahi mau poro'i aore ra i te tahi mau hoho'a fa'a'ino « nō te 'ōpere », 'a fa'a'ore i terā poro'i. 'Eiaha e fa'atae atu i tō 'oe ra mau hoa. E mau roa ia terā 'ohipa hāmani 'ino i terā ihoā taime.

10 'A tāu'aparau maita'i

Mai te mea tei roto te ta'ata hāmani 'ino i tā 'oe pupu hoa, 'a ani atu nō te aha 'ōna e hāmani 'ino ai i te tamari'i 'e ia fa'aea 'ōna i tāna mau peu fa'a'ino. 'Ia rave te tahi ta'ata i te 'ohipa hāmani 'ino e tāpā'o te reira e fifi mau tōna iho.



MINISTÈRE DE L'ÉDUCATION
ET DE LA MODERNISATION
DE L'ADMINISTRATION,
en charge du numérique

'A haere 'a hi'o i te 'api FB/stopharcelementpf
#stopharcelement #nonauharcelement



DIRECTION GÉNÉRALE
DE L'ÉDUCATION ET DES ENSEIGNEMENTS